



Na osnovu člana 3.stav (1)i člana 140. stav (5) Zakona o službi u Oružanim snagama BiH ("Službeni glasnik BiH, broj: 88/05, 53/07, 59/09, 74/10 i 42/12"), a u skladu sa članovima 2, 20, 21, 22, 23, 24, 25, 26, i 27. Pravilnika o školovanju i usavršavanju u MO i OS BiH broj: 13-02-3-1632/10 od 01.04.2010. godine, a u cilju odabira kadeta za školovanje u inostranstvu, Ministarstvo odbrane BiH, Hamdije Kreševljakovića broj 98, 71000 Sarajevo, **raspisuje:**

JAVNI KONKURS

za školovanje kadeta na Kraljevskoj zrakoplovnoj vojnoj akademiji Cranwel, Velika Britanija, za školsku 2015/2016. godinu

I – Ministarstvo odbrane Bosne i Hercegovine raspisuje javni konkurs za školovanje **dva kadeta** na Kraljevskoj zrakoplovnoj vojnoj akademiji Cranwel za školsku 2015/16. godinu.

II – Školovanje na navedenoj Vojnoj akademiji traje od 05. oktobra 2015. godine do 10. jula 2016. godine.

Odabrani kandidati će imati svojstvo kadeta, čija će prava i obaveze biti regulisane u skladu sa članom 73, 142 i 143. Zakona o službi u Oružanim snagama Bosne i Hercegovine ("Službeni glasnik BiH", broj: 88/05, 53/07, 59/09, 74/10i42/12) i članom 29. Zakona o plaćama i naknadama u institucijama Bosne i Hercegovine ("Službeni glasnik BiH", broj: 50/08, 35/09, 75/09, 32/12 i 42/12).

Po završetku školovanja, kadeti će biti primljeni u profesionalnu vojnu službu u početnom činu oficira Oružanih snaga Bosne i Hercegovine, potporučnik (OF-1), odgovarajućeg roda-službe.

Međusobne obaveze kandidata izabranog za školovanje na Kraljevskoj zrakoplovnoj vojnoj akademiji Cranwel, Velika Britanija i Ministarstva odbrane Bosne i Hercegovine regulišu se ugovorom o školovanju.

Za vrijeme školovanja kadetima su osigurani smještaj i ishrana u internatu Vojne akademije.

III – USLOVI KONKURSA

1. **Opći uslovi** su propisani članom 9. Zakona o službi u Oružanim snagama BiH ("Službeni glasnik BiH, broj: 88/05, 53/07, 59/09, 74/10 i 42/12"):
 - a) da je državljanin/ka Bosne i Hercegovine,
 - b) da je zdravstveno sposoban/na za službu u Oružanim snagama,
 - c) da nije osuđivan/a na безусловnu kaznu zatvora u trajanju dužem od šest mjeseci,
 - d) da nije prethodno otpušten/a iz državne službe ili pravnog lica, zbog povrede službene dužnosti u posljednje tri godine,
 - e) da mu/joj pravosnažnom presudom nije zabranjeno obavljanje određenih djelatnosti, odnosno dužnosti za vrijeme trajanja takve zabrane,
 - f) da se protiv njega/nje ne vodi krivični postupak za krivično djelo za koje se goni po službenoj dužnosti,

g) da ima odgovarajuću stručnu spremu potrebnu za obavljanje određene dužnosti.

2. Posebni uslovi:

- a) da nije stariji/a od 25 godina, na dan početka konkursa.
- b) završen fakultet tehničkog smjera: saobraćajni, elektro -tehnički ili mašinski fakultet, (kandidati sa boljim uspjehom na fakultetu će imati prednost ukoliko više kandidata bude imalo jednak ukupan broj bodova),
- c) nivo poznavanja engleskog jezika (minimalno 85 ALCEPT),
- d) poznavanje rada na računaru (Word, Excel, Power Point, Internet).

3. Fizička spremnost:

- a) kandidati moraju imati dobru fizičku spremnost, fizička spremnost će biti provjerena kroz sljedeće discipline: trčanje 2,4 km za 11 minuta i 11 sekundi (13 minuta i 23 sekunde za žene), 35 trbušnjaka za 2 minute (32 trbušnjaka za žene), 20 sklekova za 2 minute (10 sklekova za žene), u skladu sa normama koje važe za provjeru fizičke spremnosti za pripadnike OS BiH.

Napomena: Kandidati prijavljeni na Javni konkurs proći će test fizičke spremnosti, test općeg znanja i intervju. Test poznavanja engleskog jezika će izvršiti MO BiH i Ured vojnog atašea UK Velike Britanije u BiH. Sigurnosnu provjeru iz tačke 1c) općih uslova Javnog konkursa će izvršiti nadležni sektor Ministarstva odbrane BiH, a zdravstveni pregled kandidata koji uspješno prođu testiranje će obaviti nadležna ustanova u organizaciji MO BiH.

IV POTREBNI DOKUMENTI

- prijavni formular i biografija, isključivo po obrascu (www.mod.gov.ba);
- original ili ovjerena fotokopija diplome završenog fakulteta;
- uvjerenje o državljanstvu na novom obrascu ili ne starije od 6 mjeseci;
- izvod iz matične knjige rođenih na novom obrascu ili ne starije od 6 mjeseci;
- uvjerenje o nevođenju krivičnog postupka ne starije od tri mjeseca;
- potvrdu ili uvjerenje institucije/pravnog lica da u posljednje tri godine nije otpušten zbog povrede službene dužnosti (za kandidate koji su bili ili su još uvijek zaposleni);
- prijava prebivališta CIPS-a ne starija od 6 mjeseci;
- dokaz o traženom nivou znanja rada na računaru ukoliko, kandidat nije imao predmet informatiku tokom školovanja;
- dokaz o poznavanju engleskog jezika.

V ODABIR KANDIDATA

Izbor kandidata će izvršiti komisija koju će formirati Ministar odbrane Bosne i Hercegovine.

VI PRIJAVA NA JAVNI KONKURS

Sva tražena dokumenta treba dostaviti putem poštanske službe preporučeno na adresu:

Ministarstvo odbrane Bosne i Hercegovine

ul. Hamdije Kreševljakovića 98

71 000 Sarajevo

sa naznakom „Javni konkurs za školovanje kadeta u Velikoj Britaniji“

Konkurs ostaje otvoren 21 dan od dana objavljivanja. Nepotpune, neblagovremene i neuredne prijave, prijave kandidata koji ne ispunjavaju uslove ovoga konkursa, kao i kopije tražene dokumentacije koje nisu ovjerene, neće se uzeti u razmatranje.

Broj: 10-33-2-400-27/14
Sarajevo, 07.01.2015. godine

MINISTAR

Zekerijah Osmić, dipl. oec.



PRIJAVA
na javni konkurs za školovanje kadeta

(Prezime, ime oca, ime, JMBG)

U skladu sa raspisanim Javnim konkursom za školovanje kadeta na Kraljevskoj zrakoplovnoj vojnoj akademiji Cranwel, Velika Britanija, za školsku 2015/16. godinu objavljenim dana _____, prijavljujem se na konkurs.

Uz prijavu prilažem:

Navesti sva dokumenta koja se prilažu.

U _____, _____. 2015. godine

PODNOŠITELJ PRIJAVE

(Prezime i ime, broj LK)

LIČNI (BIOGRAFSKI) PODACI

R/B	TRAŽENI LIČNI PODATAK	LIČNI PODATAK ZA UPIS
1.	Prezime, ime oca i ime	
2.	JMBG	
3.	Rođenje	Datum
		Mjesto
		Općina
		Država
4.	Prebivalište	Datum
		Mjesto
		Općina
		Adresa prebivališta
5.	Entitet/kanton (za Federaciju BiH)	
6.	Broj kontakt telefona (fiksni/mobilni)	
7.	Nacionalnost	
8.	Državljanstvo	
9.	Krvna grupa (sa Rh faktorom)	
10.	Škola	Stepen stručne spreme i stečeno zvanje
		Naziv škole
		Školovanje je trajalo od-do
		Nabrojati ostale završene škole
		Opšti uspjeh na školovanju
11.	Lična karta, broj, datum i mjesto izdavanja	
12.	Pasoš, broj, datum i mjesto izdavanja	
13.	Stambeni status (u mjestu prebivališta)	
14.	Nezaposlen-zaposlen(naziv firme)	
	Ostvareni staž (ukoliko je bio zaposlen)	
15.	Prethodno vojno iskustvo (jedinica od-do)	Godina _____ Mjeseci _____ Dana _____
16.	Staž	Ukupan radni staž
		Ukupan penzijski staž
		Općina
17.	Znanje stranih jezika (aktivno-pasivno), vrsta kursa-škole i mjesto pohađanja	
18.	Krivično gonjenje (razlog i stanje)	
19.	Zdravstveno stanje-radna sposobnost	
20.	Zdravstvena ograničenja	
21.	Položen vozački ispit i kategorija	
22.	Ostala znanja važna za oružane snage	
23.	Bračno stanje i broj djece	
24.	PRIMJEDBA: (Ovdje upisati sve ono što smatrate da je važno za navesti. Ukoliko nešto nije obuhvaćeno, a za vas je važno, možete koristiti i dodatni obrazac biografije)	

Tačnost podataka pod punom materijalnom i moralnom odgovornošću tvrdi i ovjerava:

Prezime i ime, potpis